



Photo Charrouin, St-Pol-de-Léon

# Diwallit Potred!



Photo Charrouin, St-Pol-de-Léon

## SON NEVEZ savet gant

Francis MORL ha François STÉPHAN, daou ganer kastellad

### I

Selaouit kana, va c'henvroïz  
Ar son am euz savet e va giz  
An dro-man diwarbenn ar Merc'hed  
Diwallit, Diwallit mad, Potred!

### II

Ar Merc'hed en amzer a vremen  
Zo tud dirollet ha pennou skanv  
N'ouzont nemed furchal ha redet  
Diwallit, Diwallit mad, Potred!

### III

Evit prena ho gwiskamanchou  
E trebont ho gounidegeziou  
Lostennou seïz, boutou vernisset!  
Diwallit, Diwallit mad, Potred!

### IV

Er pardonieu hag er foariou braz  
E vez gantho bleud riz leïz ho fas  
Ho malvennou ive vez duet!  
Diwallit, Diwallit mad, Potred!

### V

Eur bern traou ruz ouz ho muzellou  
M'oarvat evit dousaat ho fokou!  
Chadennou aour ha mountr alaouret!  
Diwallit, Diwallit mad, Potred!

### VI

Merc'hedigou a zo ken kluvan  
Ma n'ouzont ket zoken ober tan  
Na skuba 'n ti, nag aoza boued  
Diwallit, Diwallit mad, Potred!

### VII

Ar re-man 'vad a zo barrekoc'h  
Da esa touellaat ac'hanoc'h  
Ha mar gellont e vezoc'h kollet  
Diwallit, Diwallit mad, Potred!

### VIII

Pa 'z it d'ar Pardonieu da bourmen  
Ouzoc'h ez eont da c'hoarzin laouen  
Taoliou lagat ha sellou daonet  
Diwallit, Diwallit mad, Potred!

### IX

Ganeoc'h ez eont kichen ar staliou  
D'o lakaat da baea madigou  
Gantho oc'h arc'hant vo dispignet  
Diwallit, Diwallit mad, Potred!

### X

Ha pa vo, dispignet oc'h arc'hant  
E vezint o c'hoarzin dizamant  
A gostez neuze vezit lezet!  
Diwallit, Diwallit mad, Potred!

### XI

Ar gwella tra a rafec'h d'ezo  
Eo kas ar merc'hed divar o tro  
Pourmenit gant o kamaraded  
Ha diwallit mad diouz ar merc'hed.

(Reproduction interdite.)